

Utusan SAWIT



Utusan Borneo
Citra Generasi Pihatin
JUMAAT
15 FEBRUARI 2019

MPOB Menjana Perubahan Industri Sawit

EDISI KHAS

2018 tahun mencabar, 2019 tahun harapan industri sawit

Oleh Norfadilah Hashim & Noor Asmawati
Abd Samad
dila@mpob.gov.my & watie@mpob.gov.my

PUTRAJAYA: Harga minyak sawit mentah (MSM) dijangka akan lebih kukuh pada tahun 2019 berikutan penggunaan biodiesel sawit B10 oleh Malaysia dan B20 oleh Indonesia. Harga diunjur akan mencecah sekitar RM2,700 satu tan tahun hadapan berbanding RM2,232 pada tahun 2018.

Ketua Pengarah Lembaga Minyak Sawit Malaysia (MPOB), Datuk Dr Ahmad Kushairi Din berkata, anggaran penggunaan metil ester sawit sebanyak 761,000 tan untuk program biodiesel B10 bagi sektor pengangkutan bermula bulan ini dan B7 bagi sektor industri pada Julai depan akan mengurangkan stok domestik MSM.

Katanya, peningkatan harga MSM juga didorong oleh faktor nilai Ringgit yang lemah berbanding Dollar Amerika Syarikat akan menggalakkan permintaan minyak sawit yang lebih tinggi.

“Pengeluaran MSM pada tahun 2019 diunjur pada 20.3 juta tan meningkat sebanyak 4 peratus berbanding 19.52 juta tan tahun lalu didorong keadaan cuaca yang baik serta peningkatan kawasan tanaman sawit matang.



DATUK Dr Ahmad Kushairi Din ketika membentangkan kertas kerjanya pada Seminar R&O 2019 di Putrajaya.

“Eksport minyak sawit juga diunjur meningkat 4.3 peratus kepada 17.2 juta tan tahun 2019 berbanding 16.49 juta tan pada 2018 disebabkan permintaan lebih kukuh daripada pasaran utama,” katanya ketika membentangkan kertas kerja di Seminar Palm Oil Economic Review and Outlook (R&O) 2019, di sini baru-baru ini.

Katanya, pendapatan eksport pada 2019 juga dijangka meningkat kepada RM75 bilion, naik 10.7 peratus berbanding RM67.74 bilion yang diperoleh pada 2018 berikutan jumlah eksport sawit yang lebih tinggi.

Sementara itu, beliau

yang turut membentangkan prestasi tahun lalu berkata, 2018 adalah tahun mencabar bagi industri sawit Malaysia ekoran prestasi harga sawit merosot yang mengurangkan pendapatan melalui eksport sebanyak RM67.74 bilion.


Katanya, isu penurunan harga minyak sawit mentah (MSM) dan juga harga buah tandan segar (BTS) merupakan isu yang hangat diperkatakan pihak industri dan pekebun kecil sawit pada tahun 2018 kerana ia menjejaskan pendapatan penanam sawit dan pekebun kecil.

“Harga purata tahunan minyak sawit mentah (MSM) merosot kepada

UNJURAN TAHUN 2019

PENANDA	2018	2019F	Beza (%)
Pengeluaran Minyak Sawit Mentah (Juta Tan)	19.52	20.30	4.0
Eksport Minyak Sawit (Juta Tan)	16.49	17.20	4.3
Stok Minyak Sawit (Juta Tan)	3.22	2.50	(22.4)
Pendapatan Eksport (RM Bn)	67.74 (p)	75.00	10.7

(p) = anggaran awal, F = unjuran



RM2,232.50 satu tan tahun 2018 berbanding RM2,783 satu tan pada tahun 2017 berikutan peningkatan ketara stok minyak sawit mentah (MSM) dan kesan kelemahan harga minyak sayuran di pasaran antarabangsa.

Pengeluaran MSM merosot sebanyak 2.0 peratus kepada 19.52 juta tan berbanding 19.92 juta tan pada 2017 disebabkan oleh pengurangan jumlah buah tandan segar (BTS) yang diproses sebanyak 3.2 peratus.

Berkaitan keluasan tanaman sawit, Dr Kushairi berkata, berlaku peningkatan sebanyak 0.7 peratus pada tahun 2018 berbanding tahun sebelumnya.

Dari jumlah keseluruhan kawasan tanaman 5.85 juta hektar, sebanyak 5.19 juta hektar (88.7 peratus) adalah di peringkat matang sementara 0.66 juta hektar (11.3 peratus) masih belum matang.

Hasil BTS merosot sebanyak 4.1 peratus kepada 15.55 tan sehektar berbanding 16.22 tan sehektar pada 2017 disebabkan kesan biologi (biological effect) selepas mengalami hasil yang tinggi pada 2017.

Kadar perahan minyak (OER) pula meningkat 1.2 peratus kepada 19.95 peratus pada tahun 2018 berbanding 19.72 peratus pada tahun sebelumnya disebabkan peningkatan kualiti BTS

yang diproses oleh kilang-kilang buah.

Kuantiti eksport minyak sawit berkurangan sedikit sebanyak 0.4 peratus kepada 16.49 juta tan pada 2018 berbanding 16.56 juta tan yang dieksport pada 2017 berikutan permintaan yang rendah, terutamanya dari Vietnam, Mesir dan Kesatuan Eropah.

India masih mengekalkan kedudukannya sebagai pasaran eksport minyak sawit Malaysia terbesar buat kali kelima berturut-turut sejak tahun 2014 dengan jumlah eksport sebanyak 2.51 juta tan atau 15.2 peratus daripada jumlah keseluruhan eksport minyak sawit pada 2018.

Ini diikuti oleh Kesatuan Eropah sebanyak 1.91 juta tan (11.6 peratus), China sebanyak 1.86 peratus (11.3 peratus) dan Pakistan 1.16 juta tan (7.0 peratus).

Langkah Kerajaan untuk menjadikan pensijilan Minyak Sawit Mampan Malaysia (MSPO) mandatori pada Januari 2020 ke arah meningkatkan produktiviti, kualiti dan kemampuan minyak sawit secara global dan pelaksanaan program Biodiesel B10 untuk membantu meningkatkan penggunaan minyak sawit dilihat sebagai strategi jangka panjang bagi mengukuhkan harga sawit di pasaran global.

Pekebun kecil sawit orang asli laksana MSPO

Oleh Siti Nurhajar Mariam Wan Jaafar
nurhajar@mpob.gov.my

PULAU CAREY: Seramai 40 orang asli terdiri pekebun kecil sawit dari Sg. Judah dan Sg. Rambai sekitar Pulau Carey yang menepati ciri-ciri piawaian ditetapkan Lembaga Minyak Sawit Malaysia (MPOB) memperoleh sijil Minyak Sawit Mampan Malaysia (MSPO), di sini baru-baru ini.

Masing-masing menerima sijil berkenaan daripada Timbalan Menteri Industri Utama, Datuk Seri Shamsul Iskandar Mohd Akin sempena program Jom MSPO Pekebun Kecil Sawit Orang Asli di Pulau Carey.

Program anjuran MPOB dengan kerjasama Jabatan Kemajuan Orang Asli (JAKOA), turut menyaksikan penyerahan aku janji daripada wakil orang asli yang menerima sijil MSPO kepada Shamsul Iskandar.

Dalam ucapannya, beliau berkata Kerajaan melalui Lembaga Minyak Sawit Malaysia (MPOB) komited dalam memastikan penanam sawit yang terdiri pengusaha ladang dan pekebun kecil mendapat pensijilan Minyak Sawit Mampan Malaysia (MSPO) sebagai jaminan minyak sawit Malaysia diterima baik pasaran antarabangsa.

Timbalan Menteri Industri Utama, Datuk Seri Shamsul Iskandar Mohd Akin berkata, pelaksanaan pensijilan MSPO bermula pada tahun 2015 dan akan dimandatorikan mulai 1 Januari 2020 adalah strategi kerajaan bagi meningkatkan daya saing dan imej industri sawit negara.

“Pensijilan MSPO adalah usaha kerajaan bagi meningkatkan pasaran minyak sawit Malaysia di pasaran global sejajar dengan keutamaan negara pengimport dan pengguna yang semakin beralih kepada produk pertanian yang dihasilkan melalui amalan mampan dan

selamat untuk dimakan.

“Pengeluaran minyak sawit Malaysia secara mampan merupakan langkah penting bagi menangani cabaran perdagangan minyak sawit global. Pada masa ini industri sawit berdepan dengan pelbagai cabaran terutama berkaitan isu keselamatan yang boleh menggugat pasaran produk sawit.

Katanya, pihak yang mempunyai agenda tersendiri di luar negara sering mengaitkan penanaman sawit sebagai penyumbang kepada kemusnahan hutan, alam sekitar dan mengancam habitat kehidupan liar. Tuduhan ini telah menjejaskan imej minyak sawit Malaysia.

“Bagi menangkis tohmahan negatif ini, kerajaan telah melaksanakan pelbagai usaha bagi memperkukuhkan imej industri minyak sawit Malaysia dan pensijilan MSPO adalah salah satu langkah bagi memastikan penanaman sawit menepati peraturan alam sekitar dan amalan pertanian baik di peringkat antarabangsa,” katanya.

Shamsul berkata, kerajaan amat prihatin terhadap kos yang perlu ditanggung oleh pekebun kecil, ladang dan kilang bagi membiayai pelaksanaan pensijilan MSPO.

“Oleh itu, kerajaan menyediakan insentif sebanyak RM30 juta pada tahun 2019 untuk membiayai kos yuran pensijilan MSPO, latihan, penyediaan rak penyimpanan bahan kimia, dan peralatan perlindungan diri (PPE).

Katanya, bagi sektor ladang dan kilang, insentif disediakan adalah berdasarkan keluasan ladang iaitu bagi yang kurang 1,000 hektar, 70 peratus insentif kos pensijilan manakala bagi ladang melebihi 1,000 hektar, 30 peratus insentif kos pensijilan. Kilang pula akan menikmati 30 peratus insentif kos pensijilan.



DATUK Seri Shamsul Iskandar bersama pekebun kecil orang asli yang memperoleh sijil MSPO.



TERESA Kok mendengar taklimat berkaitan kursus anjuran MPI dan MOA di Bangi.

MPI, MOA tawar latihan sektor komoditi, pertanian

Oleh Mohd Solah Deraman
solah@mpob.gov.my

BANGI: Agensi kerajaan dan pertubuhan bukan kerajaan (NGO) disaran bekerjasama dalam memberi latihan kepada kumpulan sasar dan mewujudkan platform bagi pendedahan berkaitan kursus yang ditawarkan oleh Kementerian Industri Utama (MPI) dan Kementerian Pertanian dan Industri Asas Tani (MOA).

Saranan berkenaan disuarakan Menteri Industri Utama, Teresa Kok ketika sesi taklimat mengenai kursus yang dianjurkan MPI dan MOA di Ibu Pejabat Lembaga Minyak Sawit Malaysia (MPOB) di sini, baru-baru ini.

Teresa berkata, kerjasama kerajaan dengan pihak NGO adalah antara langkah bagi memastikan kumpulan sasar memahami kursus yang ditawarkan dan maklumat dapat disampaikan kepada semua lapisan masyarakat

khususnya penduduk luar bandar.

“Sektor agrikomoditi adalah antara penyumbang utama kepada ekonomi negara. Bagi tempoh Januari hingga November 2018, sektor komoditi mencatatkan nilai eksport berjumlah RM117.9 bilion atau 12.9% daripada jumlah eksport barangan Malaysia.

“Banyak cabaran yang perlu dihadapi sektor agrikomoditi terutama keperluan tenaga kerja,” katanya.

Beliau berkata, dalam hal ini, Kerajaan melaksanakan pelbagai usaha untuk meningkatkan pembangunan modal insan selaras dengan tonggak keempatan dalam Kajian Separuh Penggal Rancangan Malaysia Kesebelas iaitu Memperkasa Modal Insan.

Katanya, pada peringkat kementerian, Dasar Komoditi Negara (DKN) yang diwujudkan bagi tempoh 2011 hingga 2020 turut menekankan mengenai pembangunan dan

pemeriksaan modal insan yang akan memberi fokus pada peningkatan tenaga kerja mahir dan separa mahir untuk memacu pemodenan dan daya saing sektor komoditi.

Program taklimat itu bertujuan memberi penerangan dan pendedahan kepada NGO dan juga kolej awam serta swasta mengenai kursus berkaitan sektor agrikomoditi yang ditawarkan di bawah MPI dan MOA.

Taklimat turut dihadiri Timbalan Ketua Setiausaha, Perancangan Strategik dan Pengurusan MPI, Toisin Gantor; Pengerusi Pemegang Amanah Institut Perladangan dan Komoditi Malaysia (IMPAC) merangkap Ketua Pengarah Lembaga Minyak Sawit Malaysia (MPOB), Datuk Dr. Ahmad Kushairi Din dan ketua-ketua agensi di bawah MPI.

Teresa turut berkata, bagi merialisasikan pembangunan modal insan, kementerian menubuhkan

Institut Perladangan dan Komoditi Malaysia (IMPAC), berperanan sebagai pusat setempat dan badan peneraju sektor komoditi bagi melatih warga belia tempatan yang berpengetahuan dan berkemahiran disamping menyelaras semua aktiviti latihan yang dilaksanakan oleh enam agensi di bawah MPI iaitu MPOB, Lembaga Getah Malaysia (LGM), Lembaga Perindustrian Kayu Malaysia (MTIB), Lembaga Koko Malaysia (LKM), Lembaga Lada Malaysia (MPB) dan Lembaga Kenaf dan Tembaku Negara (LKTN).

Program taklimat kursus yang ditawarkan di bawah MPI disampaikan oleh Ketua Pegawai Eksekutif IMPAC, Mohd Solah Deraman, manakala Ketua Penolong Pengarah Kanan, Bahagian Latihan Kemahiran Pertanian (BLKP), Dr Tariq Jaafar, memberi taklimat program latihan anjuran MOA.

MPI proaktif stabilkan harga komoditi

Oleh Noor Asmawati
Abdul Samad
watie@mpob.gov.my

PUTRAJAYA: Kementerian Industri Utama (MPI) ates melaksanakan langkah proaktif bagi menghadapi cabaran getir dalam sektor agrikomoditi negara.

Penekanan itu disuarakan Menteri Industri Utama, Teresa Kok semasa berucap di Majlis Perhimpunan MPI di sini, baru-baru ini.

Katanya, antara langkah yang sedang diambil ialah pendekatan segera bagi menstabilkan harga sawit melalui peningkatan adunan bio bahan api sawit dengan diesel petroleum daripada Program B7 ke Program B10 bagi sektor pengangkutan mulai 1 Februari 2019 dan pengenalan Program B7 bagi sektor industri mulai 1 Julai



TERESA Kok menekankan penjenamaan semula sektor agrikomoditi untuk tingkat penerimaan pengguna.

2019.

“Langkah ini akan meningkatkan penggunaan

minyak sawit domestik sekitar 761,000 tan metrik setahun.

Teresa juga berkata, pelaksanaan program berkenaan diharap diberi perhatian serius dalam Dasar Automotif Kebangsaan yang sedang dirangka oleh Kementerian Perdagangan Antarabangsa dan Industri (MITI).

“Diharap pada masa depan hanya kenderaan diesel yang boleh menerima adunan biodiesel lebih daripada 10% dijual di Malaysia.

Menyentuh mengenai pencapaian sektor agrikomoditi pada tahun 2018, Teresa berkata, bagi tempoh Januari hingga November 2018, jumlah nilai dagangan sebanyak RM154.3 bilion, berbanding RM165.3 bilion pada tempoh yang sama pada tahun 2017.

Katanya, bagi tempoh tersebut, jumlah eksport produk agrikomoditi

berjumlah RM117.9 bilion, menurun sebanyak 8.5% berbanding RM128.9 bilion yang direkodkan pada tahun sebelumnya. Jumlah ini adalah sebanyak 12.9% daripada nilai eksport negara.

“Selain itu, aktiviti di peringkat hulu dan hiliran sektor agrikomoditi menyumbang sebanyak 7.5% kepada jumlah keseluruhan KDNK negara.

“Walaupun menurun sebanyak 0.6% berbanding tempoh yang sama pada tahun 2017, jumlah RM23.4 bilion masih lagi antara sektor penyumbang utama kepada KDNK negara,” katanya.

Teresa turut berkongsi mengenai status dan kajian semula berkaitan Dasar Komoditi Negara yang akan berakhir pada tahun 2020.

Katanya, perbincangan berkaitan persiapan ke arah

itu dilaksanakan dalam sesi pemukiman yang bertujuan meningkatkan kecemerlangan pencapaian sektor agrikomoditi.

“Segala kekangan yang dihadapi juga akan diatasi bagi memastikan kelangsungan keberhasilan komoditi negara kita. Justeru, beberapa strategi dikenalpasti yang saya yakin akan menjadi pemacu perubahan kepada sektor komoditi negara.

Katanya, antara mandat sesi pemukiman tersebut adalah keperluan sektor komoditi melihat kepada penjenamaan semula serta strategi pemasaran yang lebih agresif termasuk bagi produk yang diiktiraf kualitinya di peringkat antarabangsa.

“Aktiviti hulu dan hiliran perlu dinilai semula dan kemungkinan menghentikan aktiviti yang tidak lagi

berdaya maju.

“Kita juga perlu membentuk strategi pemasaran produk yang dibangunkan melalui penyelidikan tempatan (homegrown) untuk diaplikasikan dengan meluas dalam negara dan di peringkat antarabangsa. Ini termasuk teknologi penggalas gempa serta jalan raya berasaskan getah yang berpotensi besar untuk menjana pendapatan,” katanya.

Katanya, dalam mengorak langkah bagi membangunkan komoditi negara, kepentingan industri menerima pakai Revolusi Industri ke-4, dan menggalakkan penerapan teknologi ‘blockchain’ serta idea tanaman masa hadapan untuk memastikan komoditi negara kekal relevan sebagai penyumbang penting kepada sosio-ekonomi negara.

Seminar R&O 2019 fokus strategi pemulihan dan perkasa industri sawit

Oleh Noor Asmawati
Abdul Samad
& Dr. Laziana Ahmad
watie@mpob.gov.my
& laziana@mpob.gov.my

PUTRAJAYA: Kerajaan akan terus komited melaksanakan strategi dan langkah yang akan memperkasa dan mengekalkan industri sawit negara.

Menteri Industri Utama, Teresa Kok berkata, pelbagai usaha dilaksanakan memastikan industri sawit bertahan bukan sahaja dari segi pengeluaran tetapi juga sumbangannya kepada rakyat, negara dan dunia.

Beliau berkatademikian dalam teks ucapan yang dibacakan Timbalan Menteri Industri Utama, Datuk Seri Shamsul Iskandar Mohd Akin semasa perasmian seminar Palm Oil Economic Review & Outlook (R&O) 2019 anjuran Lembaga Minyak Sawit Malaysia (MPOB) di sini, baru-baru ini.

Katanya, industri sawit memainkan peranan penting dalam ekonomi Malaysia. Ia menyumbang hasil eksport yang besar, dan sumber pendapatan kepada berjuta rakyat yang bergantung kepada hasilnya.

“Secara keseluruhannya tahun 2018 sangat mencabar bagi industri sawit negara.

Industri sawit mencatat pertumbuhan 3.6% dalam eksport produk minyak sawit tetapi harga minyak sawit mentah (MSM) menurun kepada purata RM2,232.00 satu tan pada tahun 2018 berbanding RM2,783.00 satu tan pada tahun 2017.

Katanya, penurunan harga MSM dipengaruhi oleh harga minyak kacang soya yang lebih lemah, dan disebabkan stok minyak sawit domestik yang tinggi.

“Akibatnya, hasil pendapatan produk sawit merosot sebanyak 12.3% kepada RM62.68 bilion dari Januari hingga November 2018 berbanding RM71.44 bilion untuk tempoh sama pada tahun 2017.

Katanya, industri sawit Malaysia menghadapi banyak cabaran yang timbul daripada pembentukan stok minyak sawit domestik, ketegangan perdagangan Amerika Syarikat-China dan mata wang Ringgit yang lemah berbanding Dollar Amerika Syarikat. Secara kolektif, impaknya menyebabkan aliran menurun harga minyak sawit.

Sementara itu, Seminar R&O 2019 yang bertemakan ‘Palm Oil Driving Economic Sustenance’ menyaksikan pembentangan oleh agensi dan wakil industri

yang terbabit dalam industri sawit.

Bersesuaian dengan tema, antara isu yang disentuh adalah cabaran kejatuhan prestasi sawit pada tahun 2018 dan strategi pemulihan dan usaha bagi membantu pihak yang terlibat dalam industri ini.

Khasiat dan kelebihan sawit

Mengupas mengenai kelebihan sawit, Ketua Pegawai Operasi Hiliran Sime Darby Plantation Sdn Bhd, Haris Arshad, menekankan bahawa minyak sawit terbukti mempunyai pelbagai manfaat.

“Tempoh reproduktif pokok sawit yang panjang, sekitar 25 hingga 30 tahun dan penghasilan minyak yang tinggi iaitu 30 hingga 35 peratus minyak dari setiap biji buah sawit menguntungkan industri komoditi negara,” katanya.

“Selain itu, tanaman sawit mampu menghasilkan sebanyak 3.6 tan bagi setiap hektar berbanding tanaman bijisawit, soya dan bunga matahari yang masing-masing hanya menghasilkan 0.8, 0.7 dan 0.4 tan dari sehektar ladang.

“Genetik sawit tidak termodifikasi dan sifat minyaknya yang separa pepejal, membolehkan ia digunakan



DATUK Seri Shamsul Iskandar merasmikan seminar R&O 2019 di Putrajaya.

tanpa perlu melalui proses hidrogenasi (proses pemeejalan), proses yang menyebabkan terhasilnya minyak trans, lemak yang boleh menyebabkan penyakit jantung dan angin ahmar (stroke).

“Tanaman sawit membantu mengurangkan kesan rumah hijau kerana boleh menghasilkan hingga 10 kali ganda oksigen dan menyerap 10 kali lebih karbon dioksida. Hakikatnya, laporan Wetlands International dan Greifswald menyatakan negara Eropah seperti Finland, Jerman dan Poland adalah negara yang menyumbang kepada pencemaran karbon yang tinggi,” katanya.

Beliau kesal pelbagai tohmahan yang dilemparkan kepada industri sawit negara termasuk isu tular penerokaan hutan tidak terkawal yang merosakkan habitat haiwan liar.

Katanya, kempen yang menggunakan emosi dan fakta tidak benar ini menanamkan tanggapan buruk masyarakat dunia terhadap minyak sawit. Kesannya ketara kepada penjualan minyak sawit mentah.

“Eropah memboikot industri

sawit menggunakan pendekatan sofistikated yang mengancam industri dari pelbagai sudut.

“Untuk terus mempertahankan industri ini, kita perlu menonjolkan identiti industri sawit yang sebenarnya melalui cara kita menguruskan para pekerja, alam sekitar dan pendedahan tentang keunggulan minyak sawit.

“Ini dicapai melalui teknik komunikasi berkesan secara hebahan dan promosi besar-besaran tentang sawit serta menyediakan ruang untuk pemindahan ilmu, teknik dan teknologi ke serata dunia,” katanya.

Sudut ekonomi minyak sawit & minyak sayuran lain

Pengarah Bahagian Ekonomi dan Pembangunan Industri MPOB, Balu Nambiappan, pula berkongsi mengenai perkembangan industri minyak sayuran dunia.

Beliau berkata, berdasarkan statistik Oil World 2018, jumlah keluasan tanaman minyak sayuran meningkat sebanyak 24 peratus pada 2018 berbanding 10 tahun dahulu.

“Pertambahan kawasan

tanaman direkodkan tinggi untuk tanaman soya iaitu sebanyak 33.65 juta hektar berbanding sawit yang mencatat pertambahan kawasan seluas 5.72 juta hektar.

“Dari pertambahan keluasan ini, minyak dihasilkan sawit mencatat pertambahan sebanyak 28 juta tan pada 2018 berbanding 2008. Jumlah ini setanding dengan peningkatan minyak dari tanaman soya dari tahun 2008 ke 2018 iaitu sebanyak 22 juta tan.

Dari perspektif ekonomi, sawit adalah tanaman unggul kerana dapat menghasilkan minyak lebih pada keluasan tanaman yang lebih kecil.

“Pengeluar terbesar minyak sayuran di dunia dimonopoli oleh Amerika Syarikat dengan tanaman soya manakala Kanada dan Ukraine masing-masing adalah pengeluar terbesar minyak biji sesawi (rapeseed) dan minyak bunga matahari.

Pelaburan di Malaysia

Sementara itu, Pengarah Eksekutif Lembaga Pembangunan Pelaburan Malaysia (MIDA), Ahmad Khairuddin Abd. Rahim

berkata, sawit Malaysia mempelopori tujuh ekosistem utama pelaburan dunia iaitu makanan, loji penapis, baja, biojisim, bahan api bio, oleokimia dan farmasutikal/nutrasetikal.

“Pelaburan utama di Malaysia melibatkan tanaman sawit dan minyak sawit. Malaysia terletak di kawasan strategik di Asia Tenggara dan ahli dalam The East Asian Growth Area (BIMP-EAGA).

“Malaysia adalah pangkalan logistik dengan laluan kapal yang mudah ke negara-negara maju dan memiliki pelabuhan air dalam yang lebih 20 meter kedalaman. Malaysia juga hab HALAL yang terkemuka di seluruh dunia.

“Malaysia mengamalkan polisi pelaburan yang ideal untuk memastikan pelaburan di Malaysia menguntungkan semua pihak yang terbabit. Ini termasuk, ekuiti pemilihan yang membenarkan pelabur luar negara untuk memegang 100 peratus pemilikan dalam sektor pembuatan, tiada sekatan dalam pemindahan keluar untung, perlindungan harta intelektual di bawah World Intellectual Property Organization (WIPO), Konvensyen Paris dan Konvensyen Berne serta Perjanjian TRIPS di bawah World Trade Organization (WTO). Faktor ini menjadikan Malaysia sebagai lokasi terbaik untuk pelaburan antarabangsa,” katanya.

Peluang Sawit Malaysia di Ghana, Afrika

Sejajar usaha Malaysia memperkuatkan pasaran sawit dengan negara pengimport sedia ada, usaha meninjau potensi pasaran di negara lain turut dijalankan.

Pegawai Penasihat Teknikal MPOB bagi Benua Afrika, Subashini Nadras berkata, Ghana merupakan negara berkapasiti tinggi dengan populasi seramai 28.8 juta orang.

KSU baharu MPI lawat MPOB

Oleh Noor Asmawati
Abdul Samad
watie@mpob.gov.my

PUTRAJAYA: Ketua Setiausaha Kementerian Industri Utama (MPI) yang baharu, Datuk Dr Tan Yew Chong mengadakan lawatan kerja rasmi pertama ke Ibu Pejabat Lembaga Minyak Sawit Malaysia (MPOB) bagi mengetahui peranan dan fungsi institusi berkenaan disamping sumbangan dan strategi yang dilaksanakan bagi meningkatkan daya saing industri sawit negara.

Lawatan beliau ke MPOB disambut dan diberi taklimat oleh Ketua Pengarah MPOB, Datuk Dr Ahmad Kushairi Din.

Beliau turut meluangkan masa mengunjungi Galeri Sawit MPOB bagi mendapatkan maklumat lebih terperinci mengenai teknologi dan produk hasil penyelidikan MPOB.

Tan melapor diri sebagai Ketua Setiausaha baharu Kementerian Industri Utama (MPI) bagi menggantikan Datuk Zurinah Pawanteh yang berpindah ke Kementerian Air, Tanah dan Sumber Asli



TAN diberi penerangan mengenai perkembangan industri sawit oleh Dr Kushairi ketika lawatan ke Galeri Sawit di Ibu Pejabat MPOB.

(KATS) berkuat kuasa 7 Januari lalu.

Sebelum menjawat Ketua Setiausaha MPI, beliau berkhidmat sebagai Menteri Perusahaan Perladangan dan Komoditi (MPIC) sebelum menyambung pengajian peringkat doctor falsafah di Monash University, Australia pada tahun 2008 hingga 2011.

Beliau kemudiannya menyambung perkhidmatan di MPIC sebagai Setiausaha

Kementerian Dalam Negeri pada tahun sama.

Pada tahun 2004 beliau berkhidmat sebagai Setiausaha Sulit Kanan kepada Menteri Perusahaan Perladangan dan Komoditi (MPIC) sebelum menyambung pengajian peringkat doctor falsafah di Monash University, Australia pada tahun 2008 hingga 2011.

Beliau kemudiannya menyambung perkhidmatan di MPIC sebagai Setiausaha

Bahagian Perancangan Strategik dan Antarabangsa sebelum berpindah ke Jabatan Perdana Menteri sebagai Timbalan Ketua Pengarah (Pembangunan II) Unit Kerjasama Awam Swasta (UKAS) pada tahun 2013.

Beliau kemudiannya dilantik sebagai Timbalan Ketua Setiausaha (Air & Pengurusan) di Kementerian Tenaga, Teknologi Hijau dan Air (KeTTHA) pada tahun 2016.

INTERNATIONAL PALM OIL
PIPOC 2019
CONGRESS AND EXHIBITION

MPOB

Theme:
**BALANCING
SUSTAINABILITY
PILLARS**

**19-21
NOVEMBER
2019**

Kuala Lumpur Convention Centre,
Kuala Lumpur, Malaysia

Join this prestigious event of 2019!

Organised by:

Malaysian Palm Oil Board (MPOB)

6, Persiaran Institusi, Bandar Baru Bangi,
43000 Kajang, Selangor, Malaysia

www.mpob.gov.my

Connect with us at

pipoc@mpob.gov.my

pipoc.mpob.gov.my

